



10. december 2008

Olga P. Berthelsen

Inatsisartut Suleriaasianni § 36, imm. 1. naapertorlugu Naalakkersuisunut apeq-qut imaattoq matumuuna saqqummiuppara:

Naalakkersuisunut apeqqut:

1. Nuup Kommuune-ani utoqqalinersiutilinnut kukkusumik tapiissuteqartitsisarsimanerit, maanna utoqqarnut tuttussanngortinneqartut taamatut ilisinnaaneritut Nuup Kommune-a inatsisitigut tunngavissaqarpa?

2. Nuup Kommunea-ta kukkusumik tapiissuteqartitsisarsimaneranut tunngatillugu, tassunga killinnginnissaannut kikkut nakkutilliisussaa-titaappat, Naalakkersuisut nakkutilliisussaatitaanerit sumiippa?

(Inatsisartuni ilaasortaq: Olga P. Berthelsen, Inuit Ataqatigiit)

Tunngavilersuut:

Siullermik isumaqarpunga ukiuni taakkunani, Nuup Kommuune-ani politikkimik suliaqarsimasugut, taamatut pisorqarneranut aamma akisussaaqaataasugut.

Taamaakkaluartorli isumaqarpunga politikkimik suliaqartunut siunnersuineq annikippallaartarsimasoq. Potitikkikkut suliallit amerlasuutigut inatsisit, ima ilisimatigisinnaasangilaat aallaat pisariaqartittarlugu annertuumik siunnersorneqarnissaq. Aamma amerlanerpaatigut inassuteqaatit naapertorlugit, politikkimik suliaqartut aalajangiisarput.

Kukkusumik imaluunniit egeersimaarsimanginnerup kingunerisaanik, utoqqaat atukkamikkut ajornerusumik inissisimalernissaat pissusissamisuunngilluinnarpoq. Allaffissornikkut kukkuneq utoqqarnut tutsinneqarsinnaangilaq.

Isumaginninnermut inatsisit naapertorlugit Naalakkersuisut, Kommuunini allanilu isumaginninnermut suliaqarfiusuni nallutilliisussaataapput. Nuup Kommuune-ani massakkut paasineqartoq pinaveersimatinniarlugu, Naalakkersuisut qanoq nakku-tilliisimangersut paasissallugu pingaaruteqarpoq, sukkuut aqqitassaqaqarnersoq paasineqarsinnaaniassammat.